


www.BibleForChildren.org


San Juan 14



Jesús pa' alla o terraneterr: — Seyoxhropa' amach xha sellkatsto. Attho seyemteña Yompor napa' xho'ña xho'ña seyemterrna. Nompor pa' netsro all poe'ntaño allpa' shonte' pokoll allcha' sey xha'werra. Ñerra'm ama attheñepa' napa' amathe' notasñe.




Ñeñtho'marña napa' o'ch awerren atthoch
nañño'twerrnas allcha' seyxa'werra. Ñerra'm o'ch
awerren napa' nañño'twerrnascha' allcha'
seyxa'werra. Ellochña nowerrerrpa' allempochña
e'ñe nawerrsa' nesho allochñapa' allo'tseneycha'
e'ñe parro.



The' napa' ñeñthen sochetsa Juan o'ch alla
noterrherr. Napa' ñeñthen e'ñe semo'nasheñ
sephowenen sa. Napa' ñeñthen

semoerohhtapretenaya e'ñe
yame'ñeñoth Jesús.



Ñamha e'ñe yeyemteñoth ñapa' e'ñech akopha es
ya'wanten eshekcha' ya'mhcha'tarethtapretera.
Ñewa, napa' o'ch neñotatas ñeñth ateth

nepena na arr.



Awañmo'cha napa' e'ñe neserrpare'teñoth Yompor
po'ñoñ ñeñth ateth eñotatenen Yepartseshar
Jesucristo, añña ñeñth ne'moñe'tene'pa' o'


wapore'tenneta' arr atarr
allaphar all



rroxhpe'chañethollo
ñeñth otenet
Patmos.




Allempoña Yompor Poekamkëñ e'ñe chorrenna, attho
nexhap ento all nentos poesheñarr alla anen
po'konaño.



Allempoña ne'moerrerr ateth ama't allowen ñeñth
Yompor poeyexkatar aye'choxhtateññañet Yompor
ama't ñeñth ento'tsa'yen ñamha
ama't allowen ñeñth patso'tsa'yen,
ñamha allowen ñeñth o'pono'tsen
patso ñamha oño.




Ama't e'ñe allowen poeyexkatar ñeñth allo'tsa'yen
allowenet aye'choxhtateññañet Yompor, ateth
otenet: Ya'ye'choxhtatoñepa'ch
Yompor ñeñth anets po'konaño
ñamha Poechemer Cristo
ñeñth atma'ntatareth Carnero.



Amhcha'na'tpawepa'ch yenteñ, yekowentatoñepa'ch
tharro'mar ñetpa' atarr awamenkathet thayotheñ
ama't errponañowen.




Nenterrerr ñamha Parets pa'netser ñeñthara
Jerusaléñ ñeñth o' etserrater. Ñeñthñapa' entoth
a'swatarethterra e'ñe Yomporethoth. Ñeñthñapa'
atarr kowen orrtena e'ñe ateth orrtena ñerra'm
poesheñarr koyanesha' allempo some'tenapa' o'ch
añño'tena e'ñe
koxhneshoth
atthochña
poerrollarpa'
atarrcha' kowen
enteñ.




Allempoña napa' o' alla ne'moerrerr all e'morrtena
ñoñets ñeñth wetsa entoth e'ñe Yompor po'konañoth.
Ñeñthñapa' ateth oten: — The'pa' señochepa'ch, o'
xherr allempoch yexherra Parets e'ñe parro epoet
acheñenesha'. Ñeñthcha'


e'ñe parro
yexherra
ñetpa' e'ñe
poeyochreshoche'
penanet Yompor.
Ña ama't atarr
Paretspa' yexherrach
epoet acheñenesha'
ñeñth e'ñe Po'yomporer
penet.




Allempoña mellañotheñpa' o' alla gaterrnerr po'ñes.
Ñeñthpa' arroth wena konañoth allo'tsen Yompor
epoet ñamha Poechemer Cristo ñeñth atma'ntatareth
Carnero. Ñeñth oñpa' atarr kowen, atarr llankasaseno
poptaso'tena. Oñ ñeñth atarr kowen añ toma'ntena
attho apoeney Yompor atthochña yapa' korretsayach
e'ñe yoksheñeshokmañen errponowañen.



Ñamha Parets pa'netsro allpa' ama moenenano atsne'
ama't arrorra ama moeneñeto ñeñthcha' xhoyo'tetsa
all.



Tharro'mar Yompōr ñeñth attho poptena
pa'tsnomoeñothpa' ñeñthña xhoyo'tetsa all epoet
ñamha Poechemer Cristo ñeñthña lamparñetets.
Ñeñthara Cristo ñeñth atma'ntatareth Carnero.




Allpa' ama't awathapa' amach orrtateto ñeñth
sosya'tsañexhno tharro'mar allpa' ama't
poesheñarrapa' ama be'theno
ñeñth kothape'chene'
sosya'tsañexhno ñeñth
atarr tsena'ten Yompor
ñeñth ateth ñerra'm
ashkarñath. Allpa' aña
be'thets ñeñth
akellkareth
pa'so'xhñexhno
Cristo po'libro
atthochña ñetpa'
korretsetach.




The'ña Yomporpa' o'
a'wañamperrnay yellkëña,
the'ña ama't awathapa' amach
alla yeyawerre'the. The' ama't
awathapa' amach
yerromoerre'the amach
yellkërre'the. The' ama't
awathapa' amach
eñalleterre'the yaweñets ama't
ñamha atserrpeñets amach
eñalle. Tharro'mar añexhno
ñeñth allpon yellkatyesaye'th
the'ñapa' o' e'ñe wañerr.




Parets pa'netsropa' amach eñalleterro ama't
pathrra ñeñthcha' a'kmarethterrtsa.
Tharro'mar Yompor epoet ñamha
Poechemer Cristo ñeñth
atma'ntatareth
Carnero, ñetña
partsetset
all po'konañeto.



Ñamha alloweney ñeñthey thorretsa Yomporekop
e'ñech kowen yesherberr yamha all. Yentercha'
Parets yekwaklle'channerrach parro
epay Yompor. Yeto'moña yapa'
kellkërrancha' e'ñe ña
pa'so'cheñ.




Nent ñamha allowen arromñathnesha' all thomxhenet
Yompor po'konaño. Ama't allowen arromñathnesha'
allo'tsa'yenet ama't ñeñth atarr sherbha'yestse'th
ama't ñamha ñeñth ama asherbhoyenaye' entete'the.
Ama't allpon omarrñathexhno ñeñth
omarrxha'tyestse'th awathpa' ñetña
ama't oñothpa' o' alla tantrra'twerret.
Ama't allowen arromñathnesha'
ama't o' xhapoet all
o'patenanet
rromoeñets, allothña
o' alla tantrra'twerret
allowenet.




Ñeñtho'mar ñet the'pa' e'ñe Yompor po'konaño
thomxha'twenet allowenet. Allempoña allpa' tore'tet
shonte' libro, ñeñthña librorpa' all akellka'wareth
ñeñthcha' yerpaterrawet ñeñth allpon ateth
phatse'tyesete'th e'ñe poesheña'ttset.

Allempoña Yomporpa' all entan ñeñth
libro all akellkareth ñeñth ama
kowenaye' es petso.


Ñeñtho'marña ñapa'
atthoña
otteñe'cherranet o'ch
moeñanet koñcheñtso.



Allothñapa' tore'tet po'poñ libro ñeñth libropa' all
akellkareth añ pa'so'chñexhno atthochña ñetpa'
korretsetach. Allowen ñeñth ama enteññañeto
pa'so'cheñ libro all akellkareth añ pa'so'chñexhno
ñeñth korretsetach, ñetñapa'
asaprrotarethtet o'pono all parraren
tso' errapharen.




Ñeñthpa' atthochña rromoeñterr po'pocheño ñeñth
poepocheñ rromoeñets ñeñth e'ñe poktakma
chenkëñets. Ñamha añ rromoeñets ñeñth
o'patenaya arromñathexhno ñeñthara
pa'netser pen rromoeñets,
ñeñthpa'xho'ña awapore'tarethta
o'pono all parraren tso'
errapharen.




Allowen ñeñth poeyochresha' pen Parets ñetpa'
atma'ntatarethtenet ateth ñerra'mrrathe' Cristo
poethapor penawet. Atthoña ñet Parets
Poekamkëñoth oteñet Cristo: —Aphon. Ñamha
allowenes ñeñthes e'mhñotene' o'ch soch samha
Cristo:

—Aphon.



Ñamha allowenet ñeñth oñpa'tets ñeñth ama
eñmatetso poeyoxhreto ñeñth xhokma es e'nyenet,
ñetpa'xho'ña wapoetepa'. Yoretepa' añ oñ, allochñapa'
ñetpa'xho'ña korretsetach. Ñeñth oñpa' e'ñech attha
aparethtet, amach es tsa'tayo ama't e'ñe koñe'tha.



'Attho atarr morrentenya Yompor
alloweney acheñeneshay arr patsro
ñeñtho'marña apoey Poechemer
ñeñth po'pathrror pen, . . .



... allochñapa' allowen ñerra'm
esesha' ame'ñerraya ña amach
chenkërreto, ñetñapa' korretsetach
poksheñeshokmañen e'ñe
thayotheñ errponañowen.



Romanos 3:23 Tharro ' mar alloweney atthekmay e ' ñe
yo ' chña ' twen. Ama yetso teñña ñe Yompor po ' kowenña
ñeñth e ' ñe ateth moenen ña.

Romanos 6:23 Tharro ' mar yo ' chñarpa ' allach
tsa ' taterrya rromoeñtso, ñeñthara koñcheñtso.
Tharraña e ' ñe yeparrokmateñoth epay Yepartseshar
Cristo Jesús pa ' Yomporña pa ' apwerreycha ' e ' ñe attha
allochña yapa ' korretsayach yoksheñeshokmañen
thayotheñ errponañowen.

Hebreos 9:27 Yeñoteñ ama ' t alloweney acheñey
xhokmach yerromoen. Tharraña e ' ñech parrocha
yerroma allempoñapa ' o ' ch werrnaya atthoch
Yomporpa ' eñotatyewerrey e ' ñe errothencha '
entyeswerrey —ñato ' e ' ñech kowen entyeswerrey
amapa ' ñato ' amach kowenaye ' entyeswerrye.



Efesios 2:8,9 Tharro ' mar po ' ñoxh e ' ñe
poemoereñothey Yomporñapa ' a ' keshphaterrey e ' ñe
yeyemteñotha ña. Ama añotheye ' ña a ' keshphaterrye
attho e ' ñe kowenare ' es yepha ' yen ya. Yomporpa '
e ' ñe attha a ' keshphaterrey. Ñamha ama
yethorreñotheye ' ñokop a ' keshphaterryeña Yompor
atthoch tsa ' terrya ñeñth allpon yethorra ñokop.

Tharro ' mar ñerra ' m e ' ñe yethorreñotha
ya ' keshphatenañ, yañapa ' xhathe ' atarr kowen yentena
yañeña ñeñth attho ya ' keshphatena. Allempoña
Yomporpa ' amathe ' a ' keshphatañeye ' yenteñe.



Romanos 10:9,10 Tharro 'mar ñerra 'm xho ye ' ñorena
attho Jesús pa' Yepartseshar yepeñ, ñamha ñerra 'm
e ' ñe yeyoxhrokmañen yame ' ñeña attho Yomporpa '
awo ' t tantater po ' rromñothpa ' , allochñapa '
yapa ' xho ' ña a ' keshphataretheycha ' . Tharro ' mar
ñerra ' m yame ' ñera Cristo yeyoxhrokmañen,
Pomporñapa ' e ' ñech pokte ' enteney, ñamha ñerra ' m
xhochña ye ' ñorena attho o ' yame ' ñera Cristo,
atthochña yapa ' a ' keshphataretheycha ' .



San Juan 3:16,17 'Attho atarr morrentenya Yomp
alloweney acheñeneshay arr patsro ñeñtho ' marña apoey
Poechemer ñeñth po ' pathrror pen, allochñapa' allowen
ñerra ' m esesha' ame ' ñerraya ña amach chenkerreto,
ñetñapa' korretsetach poksheñeshokmañen e ' ñe
thayotheñ errponañowen. Yomporpa' amaka ' ye
añekpaye ' moeñanoña Poechemer arr patsro atthoch
moeñosan acheñenesha' koñcheñtso. Ñapa' añekopña
moeñe atthoch ñach a' keshphatose ' ña
acheñenesha' arr patsro.



1 San Juan 5:11-13 Yomporpa' ateth eñotateney attho yapa' apoey Poechemer, e' ñe ñeshothña yapa' korretsach yoksheñeshokmañen thayotheñ e' ñe errponañowen. Ñeñthña agërre' Yompor Poechemer añe' naña o' agërret atthochña ñetpa' korretsetach thayotheñ e' ñe errponañowen. Añña ñeñth ama agërraye Yompor Poechemer, ñetñapa' amach esesha' agërraye alloch korrerret. Ñeñth allpon o' nekellkonas sa ñeñthes ame' ñenaya Yompor Poechemer, sapa' ñeñthcha' ña señotaterre' po' ñoxh sapa' korretsasach soksheñeshokmañen e' ñe thayotheñ errponañowen.



San Juan 14; 2 Corintios 5;
El Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Yanesha NT (ame) © 2014, Wycliffe Bible Translators,
Inc. All rights reserved.

<https://live.bible.is/bible/AMETBL/MAT/1>

©2025 Bible for Children, Inc.

www.M1914.org

www.bibleforchildren.org

